

Samir Suljević

Zastupnik u Skupštini Kantona Sarajevo

34. radna sjednica

Bosna i Hercegovina

Federacija Bosne i Hercegovine

Kanton Sarajevo

Skupština Kantona Sarajevo

n/r Sekretar Skupštine Kantona Sarajevo

Uputiti: Ministarstvo komunalne privrede infrastrukture KS, na ruke ministra,
Ministarstvo privrede KS,

*U skladu sa članom 213. Poslovnika Skupštine Kantona Sarajevo- Drugi
prečišćeni tekst, podnosim*

ZASTUPNIČKA INICIJATIVA

1. Da za svakog građanina, koji je mjestom stanovanja bio prijavljen u Kantonu Sarajevo, a premine od COVID-19, troškove dženaze/sahrane, u cijelosti ili dijelom snosi Kanton Sarajevo.
2. Da se zadužuju Ministarstvo komunalne privrede i infrastrukture KS i Ministarstvo za socijalna pitanja KS, svako u svojoj nadležnosti, da u komunikaciji sa KJKP „Pokop“ i drugim pokopnim firmama i društvima, općinama u KS i vjerskim zajednicama koje učestvuju u vjerskom dijelu dženaze/sahrane, iznađu najbolja rješenja i u što hitnijem roku, uz mišljenje Ministarstva finansija KS, daju prijedlog po tački 1. ove Zastupničke inicijative Skupštini Kantona Sarajevo.

OBRAZLOŽENJE

Po evidenciji JU Zavod za javno zdravstvo Kantona Sarajevo, u periodu februar 2020.-mart 2021. godine, od COVID 19, preminulo je ukupno 741 građanin KS. Imajući u vidu da jedna dženaza/sahrana košta u prosjeku minimalno 2.000 KM , dolazimo do informacije da su građani KS, u proteklih nešto više od godinu dana, od pojave COVIDA 19 do danas, za dženaze/sahrane svojih najbližih, potrošili cca 1.500.000 KM.

Kako Država nije dovoljno uradila da zaštiti i pomogne svoje građane, da nije nabavila vakcine, da su bile afere oko nabavke respiratora, da se kasnilo i kasni sa mjerama, da cijene životnih namirnica stalno rastu, smatram da Kanton Sarajevo mora omogućiti da porodice preminulih od Covida 19, što jeftinije isprate svoje najmilije.

Za realizaciju ove inicijative potrebna su finansijska sredstva i neophodno ih pronaći ili predvidjeti Rebalansom Budžeta KS za 2021.godinu ili učećcem drugih subjekata koji učestvuju u realizaciji dženaza/sahrana.

S poštovanjem,

Sarajevo, 30.03.2021.godine

Samir Suljević

Zastupnik u Skupštini Kantona

Sarajevo